

# Dáiddafoandda njuolggadusat

Dáiddafoandda vuodđuduvvui 2007s šiehtadallamiid bokte gaskal Sámi Dáiddárráđi ja Sámedikki. Ruđat šiehtaduvvojit jahkásaččat. Njuolggadusat dohkkehuvvon Sámi Dáiddárráđi 2018, 2019, 2020, 2021, 2023 ja 2024 jahkečoahkkimiin.

## 1. Dáiddafoandda

Foandda namma lea Dáiddafoandda (DF).

## 2. Ulbmil

Dáiddafoandda ruhta galgá sámi dáiddáriidda addit vejolašvuoda ovdánahttit dáiddalaš doaimmaset.

## 3. Ovttasbargoprošeavttat

- Foandda ruđaid sáhtta juolludit prošeavttaide main leat uhcimusat guokte Sámi Dáiddárráđi dáiddárserviin mielde.
- Foandda ruhta galgá geavahuvvot dáiddagaskasaš ovttasbargoprošeavttaide main leat uhcimus guokte dáiddársuorggi, dahje ovttasbargoprošeavttaide sámi dáiddáriid gaskka (guhte lea miellahtut dáiddárserviin čatnon Sámi Dáiddárráđđái), ja sámi dáiddáriid ja eará eamiálmot dáiddáriid gaskka. Juolluduvvon ruhta galgá juohkásit nu dásálaga go vejolaš prošeavtta oassálasti dáiddáriid gaskka.
- Sáhtta ohcat doarjaga 200 000 ruvnnu rádjái.
- Ohcci ovttas (1) lea ovddasvástádus prošeavttas ja dan čađaheapmái, ja ovddasvástádusa ekonomijai ja raporteremii.
- Ruhta juolluduvvo dušše prošeavttaide mat álggahuvvojit ohcanjagi, iige prošeavttaide mat leat jo álggahuvvon dahje heaittihuvvon.
- Ohccit eai sáhte vuordit oažžut prošeavtta ollásit ruhtaduvvot Dáiddafoandda ruđain. Bušehtas ferte leat iežasoassi, ja eará ruhtagáldut fertejit leat almmuhuvvon.
- Ohccit eai sáhte vuordit mángii oažžut doarjaga seamma prošeaktii.
- Dáiddafoandda ruđa ii sáhte geavahit dáid ruhtadit:
  - girjealmmuhemiide ja girječálliid báikkáide girjealmmuhemiid oktavuodas
  - skearruid buvttadeapmái
  - eaŋkilolbmuid ohcamušaide
  - Investeremiidda
- Ohcanáigemearri lea ođđajagimánu 10.b. juohke jagi

### 3.1 Eavttut juolludemiin ovttasbargoprošeavttaid ektui

Váldonjuolggadussan galgá Dáiddafoandda juolludemiin deattuhit

- dáiddalaš sisdoalu
- uhcimusat guokte dáiddasuorggi leat ovddastuvvon
- ovttasbarggu eará eamiálmotdáiddáriiguin
- ávkki sámi servodahkii

### 3.2 Go lea juolluduvvon ruhta ovttasbargoprošeavttaide

- Áigemearri čađahit prošeavtta lea 2 jagi.
- Go prošeakta álggahuvvo, de galgá Dáiddafoandda bivdima bokte máksit beali doarjagis. Loahpa máksit go leat ožžon dárkkistuvvon rehketoalu, dahje man guovttis leaba vuolláičállán.

## 4. AD HOC ruđat

- lea meroštuvvon dáiddáriid fágalaš ovdáneapmái
- ruhta galgá adnot oanehisáigge prošeavttaide maidda dáiddár ii leat sáhttan ohcat eará ruđa
- galggašii veahkehit dáiddáriid guđet fáhkka ožžot fáldalaga searvat

- festiválaide, konsearttaide, čájáhusaide, kurssaide jna.
- sáhttet ohcat ovttaskas dáiddárat geat leat miellahtut dáiddárservviin Sámi Dáiddárrádis
- sáhttá ohcat doarjaga 25 000 ruvnu rádjái
- ohcanáigemearit leat 10.b. ođđajagimánus, cuoŋománus, geassemánus ja čakčamánus

li juolluduvvo ruhta

- prošeavttaide mat leat loahpahuuvvon ovdal ohcanáiggi loahpa
- stuorát, guhká plánejuvvon prošeavttaide dahje osiide mat gullet stuorát prošeavttain
- ovdaprošektii
- eará doaimmaheddjiid bálkkáide
- oastit rusttegiid

#### 4.1 Váldonjuolggadussan galgá Dáiddafoandda juolludemiin deattuhit

- dáiddalaš sisdoalu
- ávkki dáiddárii

#### 4.2 Go lea juolluduvvon ruhta AD HOCii

- Áigemearri čađahit prošeavtta lea 4 mánu.
- Máksit ruđa go leat ožžon raportta ja duođaštuvvon goluid ohcama mielde du vuolláičállagiin.

#### 5. Oktasaš dieđut ovtasbargoprošeavtta ja AD HOC ektui

- Almmuhus sáddejuvvo e-poasta bokte dáiddárservviid miellahtuide.
- Ohcan galgá devdot dihto ohcanskovvái ja visot čuoggát galget leat dievaslaččat devdojuvvon.
- Doarjja galgá merkejuvvot dan dihto prošektii ja ii sáhte geavahit masage earái
- Dáiddafoanda galgá álohii namahuvvot prošeavtta ruhtadangáldun, omd. plakáhtain, prográmmas, buvttadusain ja neahttsiidduin gos prošeakta ovddastuvvo jna.
- Ohccit geat devdet gáibádusa leat Sámedikki jienastuslogus riikkain gos sii ásset sáhttet ohcat.
- Sáhttá ohcat persovnnanummarin dahje ovttaoibmofitnodagain.

#### 6. Dáiddafoandda hálddašepmi

Foandda ruđaid hálddašit mearrádusaid mielde maid Sámi Dáiddárráđđi lea dohkkehan. DF rehketoallu lea oassin dego prošeaktarehketdoallu SDRa dábálaš rehketoalus. Áššemeannudeaddji čállá jahkedieđáhusa mii sáddejuvvo Sámi Dáiddárráđi stivrii.

Jahkedieđáhus galgá čuovvut raporttaid maid Sámi Dáiddárráđđi sádde Sámediggái, daid áigemeariid mielde mat leat mearriduvvon Ovtasbargošiehtadusa.

#### 7. Dáiddafoandda lahtuid organiseren

- Lávdegottis leat golbma lahtu ja golbma sadjásaš lahtu.
- Lávdegotti lahtut ja sadjásaš lahtut välljejuvvojit SDR miellahttoservviin. Hásttuhit nammadit unnimus ovttá sámezielat olbmo mas lea sámi kulturgelbbolašvuoha. Gaskal dan guovtti girječálliid searvi lonuhuvvojit lávdegotti áirasat. Lean ráhkaduvvon sierra čálus dása.
- Lávdegoddi välljejuvvo guovtti jahkái. Lávdegoddi lonohallá nu ahte go guokte jagi leat vássán, de välljejuvvojit lahtut dain servviin main ii leamaš árrasdoaimma manjimus guokte jagi. Árras ja persovnnalaš sadjásaš välljejuvvo seamma searvis.
- Foandalahit ja sadjásaš lahtut eai sáhte ieža ohcat doarjaga foanddas dan áigodagas masa leat välljejuvvon.

- Dáiddafoanddas lea mearridanváldi go unnimus okta (1) lahtu ja guokte (2) sadjásaš lahttu leat das.

## 8. Dáiddafoandda čoahkkimat

SDR čállingoddi ráhkkanahttá áššiid mat galget meannuduvvot Dáiddafoandda čoahkkimiin ja čadaha Dáiddafoandda mearrádusaid.

Bargu galgá čadahuvvot hálddašanlága áššemeannudanmearrádusaid mielde, masa gullet bealálašvuohta, jávohisbággu ja oaivvadangeatnegasvuohta.

Beavdegirjiis galgá oidnot:

- a) goas ja gos čoahkkimat leat lágiduvvon
- b) geat čoahkkimiin ledje mielde
- c) bealálašvuođa
- d) makkár mearrádusat lea gieđahallojuvvon
- e) mii meannudeami boadus lea
- f) mii muđuid lea gieđahallon

SDR áššemeannudeaddji čállá beavdegirjiid čoahkkimiin.

Mearriduvvon vuođuštus addojuvvo ohcciide geaidda eai juolluduvvo stipeanddat.

## 9. Ovttasbargoproševtta ja AD HOC raporteren

- Ferte raporteret mearriduvvon skovvá.
- Galgá čállit raporta mas čilge proševtta ja mas árvvoštallá bohtosiid proševtta ulbmiliid ektui, gč. ohcamuša. Golut galget čuovvut gollomerošteami spesifiserema nu ahte čielgasit oaidná masa doarjja lea geavahuvvon.
- Sámi Dáiddárráđi čállingoddi dárkkista raporttaid dábálaš govttolašvuođain ja árvvoštallá leatgo stipeandarudat geavahuvvon juolludusa eavttuid mielde. Čállingotti árvvoštallan čadahuvvo dan vuodul maid stipeandaohcci ieš lea almmuhan.
- Dáiddafoanda ja Riikarevišuvdna sáhttet dárkkistit leago Dáiddafoandda juolludeapmi geavahuvvon eavttuid mielde, geahča Stuuradikki juolludannjuolggadusaid § 10.
- Jus ii čálo raporta, de ferte juolluduvvon ruđa máksit ruovttoluotta. Dáiddafoandda juolludusaid oažžut geat eai sádde raporta, massá vuoigatvuođa oažžut doarjaga Dáiddafoanddas dassái go ruđat lea mákson ruovttoluotta.
- Ohccit geat eai leat raporteren ovddit doarjagiid ovddas eai juolluduvvo doarjagiid ovdal go lea raporteren ovddeš doarjagiid ovddas dahje lea máksán ruovttoluotta. Dá ii guoská ohcciide geaidda lea juolluduvvon doarjja ovttasbargoproševttaide ja geat ohcet Ad hoc ruđa ovdal go 2-jagi raporteren áigemearri ovttasbargoproševttaide lea loahpahuvvon.
- Jus prošekta ii čadahuvvo áigemeari siskobealde, mannet ruđat ruovttoluotta Dáiddafondii.
- Jus áigu manjit čadahaemi áigemeari, de ferte ohcat ovdal čadahanáigemeari. Dákkár ohcan sáddejuvvo Sámi Dáiddárráđi čállingoddái guhte gieđahallá dan.
- Rievdaduvvon ovttasbargoproševttaid ruhtageavaheapmi ferte ovddalgihtii leat dohkkehuvvon Sámi dáiddárráđi čállingottis.
- Rievdadeamit AD hoc ruđaid ektui gieđahallá čállingoddi.

## 10. Váidinvejolašvuohta

- Váidináigemearri lea 3 vahku dan rájes go ohcci oažžu dieđu mearrádusa birra, gč. hálddašanlága § 29.
- Ohccit geaid ohcan hilgojuvvo, sáhttet váidit hilgunmearrádusa hálddašanlága § 2, goalmát ladđasa ja hálddašanlága kap VI vuodul.

- li sáhte guoddalit fágalaš árvoštallama man vuodul lávdegoddi lea dahkan mearrádusa. Váidinvuoigatvuohta lea ráddjejuvvon dasa mii guoská áššemeannudeapmái ja riektegeavaheapmái.
- Dáiddafoanda meannuda váidaga ja sáhhtá rievdadit mearrádusastis. Jus dáiddafoanda doalaha mearrádusas, de sáhhtá mearrádusa váidit Sámi Dáiddárráđi stivrii.